

stantem, ut Anabaptisticae confusio non minus ac Pontificio Primatui capistrum injiciatur, Scriptura ita praeeunte, probatis pariter Politicis atque Theologis arrisit, confer *Reinkingium, Cancellarium Holsaticum, Carpzov. item, Jctum L. 2. Jurispr. Eccl. Defin. 247. §. 14. nec non Hutterum in Locis Major. fol. 581. Gerbardum Lib. II. Special. Confess. Cathol. Art. 3. p. 523. Dannbauerum in Christeide Act. I. Metamorph. 7. p. 821. Scherzerum Anti Bellarm. p. 219. & Job. Bened. Carpzovium* dissert. Academ. disp. 26. Sic porro Confessionis privatae, apud Lutheranos receptae Vilipendium, quod nonnullis in ore est, castigabimus in *Weigelio, Zwinglio & similibus. Zwinglius* jam suo tempore à *Luthero* abrogationem *Sellae*, uti dicitur, *Confessionariae* postulabat. *Calvinus* contra *Westph.* defens. 2. p. 678. de ab-  
 solutione privata disputans, eam è *fœtidis Papae Lacunis*, & jam toto *Ecclesiae statu vitiato, imò totâ pietate eversa, à Diabolo inventam esse* calumniabatur. *Idem, de vera & falsa Religione Tit. de Confessione p. 216. inquit: Fabula sunt, & nuga mera, quæ Pontificii de clavibus polliciti sunt,* (transeat hoc, si de Papæ potestate, privativè tali, sermo ipsi fuerit, secus sentiendum, ubi de Clavium virtute id intelligatur, quæ Ministerio, Verbum & Sacramenta ad Christi Institutionem Scripturis conformiter administranti, commissæ divinitus sunt,) *His junge, pergit, audacium quorundam dogmata, qui perbibuerunt, Clavibus hominem certum fieri, cui, nisi per Fidem intus certus sit, frustra dices: Liber es! Non enim tuo verbo ipsum, potes magis certum reddere, quam Muscam Elephantem facere, cum dixeris: Elephas es! Verum ex parte, hoc scil. sensu, est, quod ubi fides absit à recipiente, & nudum Opus operatum, solo videlicet oris sono, non cordis sensu, à confidente*